

ԱՐՁԱՆԱԳՐՈՒԹՅՈՒՆ

ՀՀ Վայոց ձորի մարզի Վայք համայնքի Սարավան բնակավայրի վարչական շենքում կայացած՝ ՀՀ Վայոց ձորի մարզի Վայք համայնքի Սարավան բնակավայրում նախատեսվող արևային ֆոտովոլտային էլեկտրակայանի կառուցման նախագծի՝ շրջակա միջավայրի վրա ազդեցության գնահատման հաշվետվության վերաբերյալ 1-ին հանրային քննարկման

2025 թվականի մայիսի 22-ին՝ ժամը 12:00-ին, Վայոց ձոր մարզի Վայք համայնքի Սարավան բնակավայրի վարչական շենքում տեղի ունեցավ ՀՀ Վայոց ձորի մարզի Վայք համայնքի Սարավան բնակավայրում նախատեսվող արևային ֆոտովոլտային էլեկտրակայանի նախագծի և նախնական գնահատման հայտի վերաբերյալ 1-ին հանրային քննարկումը՝ «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի պահանջների համաձայն:

Հանրային քննարկումների հայտարարությունը հրապարակված է եղել «Առավոտ» օրաթերթի՝ 2025 թվականի ապրիլի 16-ի հերթական համարում:

Հանրային քննարկմանը մասնակցում էին Վայք համայնքի ղեկավարի օգնական Մեսրոպ Մեսրոպյանը, Սարավան բնակավայրի վարչական ղեկավար Ռազմիկ Մանուկյանը, Վայքի համայնքապետարանի աշխատակիցներ, Սարավան բնակավայրի բնակիչներ, «Սամ Էներջի» ՍՊ ընկերության ներկայացուցիչ Խաչիկ Մարտիրոսյանը, «Էկովիլ» ՍՊԸ կապալառու և նախագծող Հովհաննես Գևորգյանը:

Սարավան բնակավայրի ղեկավար Ռազմիկ Մանուկյանը ողջունեց ներկաներին և ներկայացրեց հանդիպման նպատակը, այնուհետև խոսքը փոխանցեց «Սամ Էներջի» ՍՊ ընկերության ներկայացուցիչ Խաչիկ Մարտիրոսյանին:

Ընկերության ներկայացուցիչ Խաչիկ Մարտիրոսյանը ողջունեց մասնակիցներին և տեղեկացրեց, որ քննարկվող նախագիծը, «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 12-րդ հոդվածի համաձայն, ենթակա է փորձաքննության, որի համար նախատեսվում է՝ 2 հանրային լսում:

«Սամ Էներջի» ՍՊ ընկերության ներկայացուցիչ Խաչիկ Մարտիրոսյանը քննարկման մասնակիցներին տեղեկացրեց, որ նախատեսվող արևային ֆոտովոլտային էլեկտրակայանը կառուցվելու է Սարավան բնակավայրի տարածքում և զբաղեցնելու է 5.46 հա (հեկտար) մակերես, այդ հատվածում կառուցվելու է նաև ֆոտովոլտային էլեկտրակայանի ենթակայանը:

«Սամ Էներջի» ՍՊ ընկերության ներկայացուցիչ Խաչիկ Մարտիրոսյանը տեղեկացրեց նաև, որ շրջակա միջավայրի վրա որոշակի նվազ ազդեցություն կարող է առաջանալ էլեկտրակայանի շինարարության ընթացքում՝ կապված հողային աշխատանքների հետևանքով օդային ավազան արտանետումների հետ, բայց ՇՄԱԳ

հաշվետվությունում նախատեսված են միջոցառումներ օդային ավազան արտանետումների նվազեցման հետ կապված:

Նախատեսվող արևային ֆոտովոլտային էլեկտրակայանի տեխնիկական բնութագրերի մասին Սարավան բնակավայրի ազգաբնակչությանը ավելի մանրամասն տեղեկացրեց «Էկովիլ» ՍՊ ընկերության կապալառու նախագծող Գևորգյան Հովհաննեսը՝ նշելով, որ 5.46 հա (հեկտար) մակերեսի վրա կառուցվող էլեկտրակայանը ունենալու է 5 ՄՎտ հզորություն:

Նշվեց նաև, որ բուն շինարարական աշխատանքները տևելու է մոտավորապես մեկ տարի, իսկ շինարարության ընթացքում բացվելու են աշխատատեղեր, իսկ արևային կայանի շահագործումն ընթացքում անհրաժեշտ է լինելու շահագործման և պահպանման համար հիմնական թվով հինգ աշխատակից: «Սամ Էներջի» ՍՊ ընկերության ներկայացուցիչ Խաչիկ Մարտիրոսյանը պատրաստակամություն հայտնեց բնակավայրում նոր կոյուղու ցանցի կառուցման ծրագրում ներդնում ունենալու կապակցությամբ և այլ սոցիալ ծրագրերի մասով:

Քննարկմանը մասնակից՝ Սարավան բնակավայրի բնակիչները իրենց հուզող հարցերը ուղղեցին «Սամ Էներջի» ՍՊ ընկերության ներկայացուցիչ Խաչիկ Մարտիրոսյանին:

Հարց՝

- Որ բնակավայրից են լինելու շահագործվող էլեկտրակայանի աշխատողները:

Պատասխան՝

- Արևային ֆոտովոլտային էլեկտրակայանի շահագործման դեպքում առաջնահերթություն կտրվի Սարավան բնակավայրի բնակիչներին:

Քննարկմանը մասնակից բնակիչները ողջունեցին նախաձեռնությունը:

Բնակիչների կողմից առարկություններ չհնչեցին և ավարտվեց քննարկումը:

Քննարկումների վարող և պատասխանատու՝

Վայքի համայնքապետարանի գյուղատնտեսության և

բնապահպանության բաժնի պետ



Գ. Գևորգյան

Ձեռնարկողի ներկայացուցիչ՝

«Սամ Էներջի» ՍՊԸ տնօրեն



Ս. Գրիգորյան

ՄԱՍՆԱԿԻՑՆԵՐ

[illegible]

22.05.2019